



## Publicaziuns dalla vischnaunca, jamna 15

### Damondas da baghegiar

**2015-1011.000**

**Datum dalla publicaziun: 10 d'avrel 2015**

**Il patrun:** Aluis Riedi, Pardomat 6, 7180 Disentis/Mustér

**Il representant:** Aluis Riedi, Pardomat 6, 7180 Disentis/Mustér

**Object:** Construcziun annexa entrada casa e garascha, parcella 2320, Pardomat 6, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 8 d'avrel 2015

*Uffeci da baghegiar Disentis/Mustér*

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

**Nr. 2015 – 2010.000**

Ursula Etmüller, Kirchweg 6, Via Sogn Gions 11A, 7180 Disentis/Mustér; reconstruir la finiastra stiva ella fatschada ost, casa sin parcella 747, Via Sogn Gions 11A, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprapostanza communal. Disentis/Mustér, ils 7 d'avrel 2015

*Uffeci da baghegiar Disentis/Mustér*

---

### Cussegl da vischnaunca

Eleccziun complementara

En consequenza dalla demissiu da cusseglier Marco Schmed ha la suprapostanza communal supplicau da proponer entochen la fin da mars 2015 candidatas e candidats per in'elecziun complementara pil rest dalla perioda d'uffeci 2013/16.

Enteifer il termin fixau ei vegniu inoltrau las suandontas duas propostas:

- Adrian Deflorin, 1976, Cuoz, maridau, substitut menader da credits bancars
- Pablo Maissen, 1982, Vitg, ledis, cautren

L'elecziun complementara ha liug ils 14 da zercladur 2015. Sebasond sin la lescha communal davart ils dretgs politics e per saver reparter a temps la documentaziun per l'elecziun, ha la suprapostanza communal fixau il termin dils 7 da matg 2015 per inoltrar ulteriuras propostas.

Il dretg da proponer candidatas e candidats han vischinadis, partidas politics localas ni gruppas da silmeins 15 votants. Las propostas ein d'inoltrar a scret all'administraziun communal.

*Suprapostanza communal*



### **Serrada dalla via Pardomat**

#### **Via Sogn Gions – Credit per sanaziun via e canalisaziun**

Igl uffeci cantunal da construcziun bassa dil Grischun realisescha la sanaziun generala dalla via da communicaziun a Pardomat. Durond las lavurs da construcziun sto la via vegnir serrada per scadin traffic sil tschancun, Punt Russein entochen Madernal e quei sco suonda:

Gliendisdis, ils 27 d'avrel entochen venderdis, ils 31 da fenadur 2015, mintgamai ils luvendis, dallas 7.00 entochen allas 18.00.

In'untgida ei pusseivla sin la via da communicaziun Mustér– Cavardiras–Pardomat per vehichels entochen 11 t. Per damondas san ins sevolver tier il responsabel digl uffeci da construcziun bassa dil cantun, Pius Cavegn, telefonin 079 334 74 14.

Nus engraziein per Vossa capientscha.

Disentis/Mustér, ils 7 d'avrel 2014

*Uffeci da construcziun bassa dil Grischun, Pius Cavegn*

---

### **Controlla da habitonts**

#### **Mortoris**

Clau Alexi Venzin-Bergamin, naschius ils 4 da fevrer 1923, morts ils 30 da mars 2015

Giusep Antoni Gadola-Manetsch, naschius ils 19 da matg 1944, morts ils 3 d'avrel 2015

---

### **Uniun da dunnas Mustér**

#### **Viadi – Ils 22 e 23 d'uost 2015 va l'uniun da dunnas sin viadi a Nun**

*Program:*

Sonda: viseta dil museum svizer el liber Ballenberg e la sera viseta dil musical «Romeo e Giulietta» sin la tribuna dil lag.

Dumengia: viadi cun bastiment da gun a Beatenbucht e naven da leu cun las gondlas sil Niederhorn a brunch/gentar.

Annunzias ein da far entochen ils 20 d'avrel 2015 tier

Candinas Fabiana 081 947 42 88 ni 079 373 61 58

---

### **Possessurs da dretgs alp Cristallina**

**Radunonza generala dils possessurs da dretgs alp Cristallina, sonda ils 11-4-2015 allas 20.15** el hotel Sax, Disentis Mustér.

1. Beinvegna
2. Elecziun d'in dumbravuschs
3. Prelecziun dil protocol ed approbaziun
4. Render quen 2014
5. Rapport dils revisurs ed approbaziun dil quen
6. Fixar il tscheins dils dretgs per 2015
7. Rapport dil president
8. Varia

Suenter la radunonza vegn purschii als presents ina tscheina. A stedia partizipaziun envida

*la suprastonza*



### Center sursilvan d'agricultura

#### **Kino – «Die schwarzen Brüder»**

**Sonda, ils 11-4-2015** allas 18.00 el Center sursilvan d'agricultura. In dils pli renomai films svizers per giuvenils. Regissur: Xavier Koller.

Il film ei lubius naven da 6 onns mo recumandaus naven da 10 onns. Affons sut 10 onns mo en accompignament dad ina persuna carschida. Il film cuozza 102 min.

Entrada libra, collecta. Ei vegn vendiu popcorn e bubrondas.

Cordial beinvegni!

---

### Uniu samaritana Mustér

**Nies proxim exercezi meinsil ha liug, gliendisdis, ils 13 d'avrel 2015** allas 19.30 en casa da scola, Cons.

A stedia participaziun envida

*la presidenta*

---

### Uniu da catschadurs Péz Alpetta

**Radunonza da tgira dalla secziun da catschadurs Péz Alpetta, venderdis, ils 10 d'avrel** allas 20.15 el hotel Sax.

---

### Der Fernsehjournalist Ulrich Tilgner im Disentiser Klosterforum

Am 15. April um 20.30 Uhr spricht im Peter-Kaiser- Saal der bekannte Fernsehjournalist und ehemalige Kriegsberichterstatter aus Bagdad, Ulrich Tilgner, über das oema: «Der Westen und der Orient, Starke Islamisten – Probleme des Westens – Probleme der Christen und geostrategische Auswirkungen». Ulrich Tilgner ist Verfasser mehrerer Sachbücher: Umbruch im Iran (1979), Der inszenierte Krieg (2003), Zwischen Krieg und Terror (2006), Die Logik der Waffen, Westliche Politik im Orient (2012).

---

### Uniu da dunnas/mummas cun affons pigns Mustér

#### **Informaziuns**

A caschun dalla radunonza generala dils 25 da mars 2015 ei vegniu decidu il suandont:

#### **Midada digl art. 11 dils statuts**

La suprastonza secumpona daniev ord presidenta, actuara e cassiera. Ord igl artechel numnau ei vegniu striaus las duas assessuras ed il plevon ex-officio sco preses. Dil reminent sto era igl art. 6 nr. 9b vegnir midaus tenor niev diember da suprastonza. Sut art. 11 g) ei vegniu fatg la suandonta midada; sco commember dall'uniu ei il plevon ex-officio sco preses. En suprastonza han las commembras reelegiu Christina Lâbas sco cassiera ed elegiu da niev Katrin Pally sco actuara. Cordiala gratulaziun. Cun quei ch'igl ei buca reussiu d'anflar ina tiarza consuprastonta han las commembras elegiu ina gruppa d'interess che presenta entochen la proxima radunonza generala 2016 sliaziuns davart il futur dall'uniu da dunnas. Dalla gruppa separticipeschan; Christina Bundi, Astrid Flepp, Rita Furger, Rita Huonder, Manuela Maissen e Jeannette Venzin. Bien engraziament e bien maun. Las commembras dall'uniu da dunnas engrazian cordialmein alla suprastonza partenta Fabiana Candinas, Sigrid Loretz ed Ursina Murer per lur engaschi e lavur en favur dalla communitad.

Mustér, avrel 2015

*Per la suprastonza partenta Ursina Murer*



### Gruppa da teater Mustér

**Invit alla 27<sup>a</sup> avla radunonza generala** che ha liug sonda, ils 11 d'avrel allas 20.15 el Hotel Rhätia. Novs commembers ein beinvegni.

*La suprastonza*

---

### Forum cultural internaziunal Disentis/Mustér

**La radunonza generala dil Forum cultural internaziunal (FCIM) Disentis/Mustér ha liug mesjamna, ils 22 d'avrel 2015** allas 19.30 en canzlia communal plaun terren. Tuts commemberAs ein cordialmein envidai!

*la presidenta*

---

### Producziuns finalas

#### Movis – Moviment e Sault

11 gruppas d'affons, da giuventetgna e carschi festiveschan 15 onns plascher da saltar e presentan

**venderdis, ils 17-4-2015, allas 20.00**  
**sonda, ils 18-4-2015, allas 17.00 + 20.00**  
**dumengia, ils 19-4-2015, allas 14.00**

Iur coreografias en halla Cons a Mustér.  
Sin Vossa viseta selegran

*ils Movis*

---

### Sentupada Nordic-Walking

Naven diils 22 d'avrel 2015 serimnein nus puspei mintgamai mesjamna allas 19.30 avon halla Cons.

Prender part sa tut tgi che ha plascher da ir cun festa e far pintgas turas en cumpignia.

*Erna Hosang*

---

### Apparats d'udida

**Gliendisdis, ils 20 d'avrel 2015** saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch per tuts interessents gratuitamein.

Cordiala invitaziun

*Puntreis, center da sanadad*



**Radunonza generala dils dretgs e dalla caschada alp Nalps Tegia Miez**

**Gievgia, ils 16 d'avrel 2015** allas 20.15 ella ustria Crestas Segnas. Suenter radunonza vegn offeriu in pign puschengn.

A stedia partizipaziun envida

*la suprastonza*